

# САНХҮҮГИЙН ЗОХИЦУУЛАХ ХОРООНЫ НЭРЭМЖИТ ЭРДЭМ ШИНЖИЛГЭЭНИЙ БАГА ХУРАЛ ЗОХИОН БАЙГУУЛАХ УДИРДАМЖ

## НЭГ. ЕРӨНХИЙ

Монгол улсад даатгалын зах зээл үүсэж хөгжсөний 85 жилийн ой, банкнаас бусад санхүүгийн салбарыг зохицуулагч байгууллага үүсэж хөгжсөний 25 жилийн ойн хүрээнд санхүү, бизнес, эдийн засгийн чиглэлийн оюутан, судлаачдын дунд Эрдэм шинжилгээний бага хурлыг зохион байгуулах гэж байна.

## ХОЁР. ЗОРИЛГО

Санхүү, бизнес, эдийн засгийн чиглэлийн оюутан, судлаачдын судалгаа хийх чадварыг дэмжих, бүтээлийг нь нийтэд түгээн дэлгэрүүлж, санхүүгийн байгууллагын талаарх олон нийтийн ойлголтыг дээшлүүлэхэд оршино.

## ГУРАВ. СЭДВИЙН ЧИГЛЭЛ

Энэ удаагийн Эрдэм шинжилгээний бага хуралд оролцохоор сонирхож буй оюутан, судлаачид нь доорх 3 сэдвийн хүрээнд судалгааны ажлыг туурвина. Бүтээлийн сэдэв Даатгал, Хөрөнгийн зах зээл, Бичил санхүүгийн зах зээлийг хамарна. Эрдэм шинжилгээний бүтээлийн сэдвийн чиглэл:

1. Банкнаас бусад санхүүгийн зах зээлд шинэ бүтээгдэхүүн нэвтрүүлэх боломж, арга зам
2. Банкнаас бусад санхүүгийн зах зээлийн эдийн засагт гүйцэтгэх үүргийг нэмэгдүүлэх боломж, тулгамдаж буй асуудал
3. Банкнаас бусад санхүүгийн зах зээлд үйл ажиллагаа эрхлэх байгууллагуудын эрсдэл даах чадвар, эрсдэлийг урьдчилан тооцох аргачлал

## ДӨРӨВ. БҮТЭЭЛД ТАВИГДАХ ЕРӨНХИЙ ШААРДЛАГА

Нэгдүгээр шат: Судалгааны ажлын хураангуй:

- ✓ Сэдвийн хүрээнд өөрийн судалгааны хураангуйг бичих:
  - Нүүр хуудсанд нэр, холбоо барих 2 утасны дугаар, и-мэйл хаяг, ажлын болон сургуулийн нэр, курс, мэргэжил, судалгааны ажлын нэрийг бичих;
  - Судалгааны ажлаа бичгийн А4 цаасан дээр бичих бөгөөд дээд тал нь 15 хуудсанд багтсан байх;
  - Үг үсгийн болон утга найруулгын алдаагүй байх;
  - Бусдын оюуны бүтээлийг зөвшөөрөлгүй хуулбарлаагүй байх (Иш татсан тохиолдолд тогтсон стандартыг баримтлах)
- ✓ Бичгийн стандарт:
  - Үсгийн фонд – Times New Roman;
  - Үсгийн хэмжээ- 12;
  - Мөр хоорондын зай – 1,5;
  - Margins: дээд захаас 20 мм, доод захаас 20 мм, зүүн захаас 30 мм, баруун захаас 15 мм;
- ✓ Илтгэл нь судалгааны ажлын нэр, агуулга, хураангуй, оршил, судлагдсан байдал, судалгааны аргачлал, шинжилгээний хэсэг, дүгнэлт, ном зүй гэсэн хэсгүүдээс бүрдсэн байх;
- ✓ Судалгааны хураангуйг дараах шалгуур үзүүлэлтүүдээр шалгаруулна:
  - Онол, аргазүйн үндэслэлтэй;
  - Шинэлэг, оновчтой санал, санаачилгыг дэвшүүлсэн;
  - Бодит мэдээлэл ашиглаж, баримтаар баталгаажуулсан;
  - Эконометрик, статистикийн арга хэрэгслүүдийг ашигласан;
  - Оюутны ангилалд оролцох судалгааны ажлууд заавал удирдагч багштай байх;
  - Асуудал дэвшүүлж, тодорхой шийдэл, үр дүнд хүрсэн байх;
  - Бусад судлаачдын ажлыг шууд хуулбарлаагүй байх;
  - Өөрийн судалгаанд ашигласан материалыг бүрэн дурдсан байх;

## Хоёрдугаар шат: Судалгааны ажлыг хэлэлцүүлэх илтгэл

- Илтгэлийг PowerPoint хэлбэрээр бүтээлийн хураангуйтай хамт ирүүлэх:
  - Илтгэл нь гарчиг, агуулга, оршил, үндсэн хэсэг, дүгнэлт, ном зүй гэсэн хэсгүүдээс бүрдсэн байх
  - Бусдын оюуны бүтээлийг зөвшөөрөлгүй хуулбарлаагүй байх (Иш татсан тохиолдолд тогтсон стандартыг баримтлах)
- Илтгэх чадвар:
  - Үзэгчдэд санаагаа хүргэх чадвар (ойлгомжтой, цэгцтэй)
  - Хувцаслалт, биеийн хэл
  - Үгийн сонголт, ярианы чадвар
  - Илтгэлийн хугацаа: 15 минут
- Илтгэлийн агуулга:
  - Илтгэл сэдвийн хүрээнд байгаа эсэх
  - Илтгэлийн бүтэц зохион байгуулалт
  - Илтгэлийн шинэлэг санаа гаргасан байдал

Санхүүгийн зохицуулах хорооноос зохион байгуулж буй эрдэм шинжилгээний бага хурал нь дээрх шаардлагыг хангасан материал илгээж буй оролцогч бүрт нээлттэй бөгөөд мэргэжил, нас, хүйс, иргэншил харгалзахгүй болно.

## **ТАВ. ЭРДЭМ ШИНЖИЛГЭЭНИЙ ХУРЛЫН ЗОХИОН БАЙГУУЛАЛТ**

- 1 дүгээр шат: ЭШБХ зохион байгуулах комисс судалгааны ажлыг 2019 оны 11 дүгээр сарын 08-ны өдрийн 18.00 цаг хүртэл бүтээлийг хэвлэмэл болон электрон хэлбэрээр Санхүүгийн зохицуулах хорооны 405 тоот өрөө болон [rsa@frc.mn](mailto:rsa@frc.mn) хаягаар хүлээн авна. Судалгааны ажилтай танилцан, үнэлэлт өгч оюутны ангилалд 6, судлаачийн ангилалд 6 ажлыг 2 дугаар шатанд сонгон шалгаруулна.
- 2 дугаар шат: Эхний шатнаас шалгарсан судалгааны ажлуудыг 2019 оны 11 дүгээр сарын 12-ны өдөр буюу Мягмар гарагт мэдэгдэх бөгөөд, шалгарсан оролцогчид 11 дүгээр сарын 15-ны өдөр танилцуулна. Хурлын товыг жич мэдэгдэх болно. Шагналт байруудад шалгарсан оролцогчдын шагналыг Санхүүгийн зохицуулагч байгууллага үүсэж хөгжсөний 25 жилийн ойн баярын арга хэмжээний үеэр гардуулна. Шагнал гардуулах өдрийн товыг шалгарсан оролцогчдод жич мэдэгдэх болно.
- Шалгарсан бүтээлүүдийг Санхүүгийн зохицуулах хорооны албан ёсны вебсайт, сошиал сувгуудаар олон нийтэд түгээх бөгөөд 2 дугаар шатанд шалгарсан оролцогчдын бүтээлийг эмхтгэл болгон хэвлүүлэх эсхүл СЗХ-ноос эрхлэн гаргадаг “Хүртээмжтэй санхүү” сэтгүүлд хэвлүүлэх болно.

## **ЗУРГАА. ШАГНАЛЫН САН**

### 6.1. Оюутны ангилал

- 1-р байр - Өргөмжлөл, 1 000 000 / Нэг сая төгрөг/;
- 2-р байр - Өргөмжлөл, 700 000 /Долоон зуун мянган төгрөг/;
- 3-р байр - Өргөмжлөл, 500 000 /Таван зуун мянган төгрөг/.

### 6.2. Судлаачдын ангилал

- 1-р байр - Өргөмжлөл, 2 000 000 /Хоёр сая төгрөг/;
- 2-р байр - Өргөмжлөл, 1 500 000 /Нэг сая таван зуун мянган төгрөг/;
- 3-р байр - Өргөмжлөл, 1 000 000 /Нэг сая төгрөг/.

## **ДОЛОО. ХОЛБОО БАРИХ МЭДЭЭЛЭЛ**

Монгол Улс, Улаанбаатар хот 15160, Чингэлтэй Дүүрэг, Бага тойруу 3, Засгийн газрын IV байр. Дэлгэрэнгүй мэдээллийг [www.frc.mn](http://www.frc.mn) вэб хуудаснаас болон (976) 11-261012 болон 94022322, 88109190 утсаар лавлана уу.